



Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina ili drugi sud sa zakonom Bosne i Hercegovine

Број/Број: 05/6-50-13-241-22-3/12

Сарајево/Сарајево, 15.05.2012.

ZAPISNIK

22. sjednice Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine (u daljnjem tekstu: Nezavisna komisija), održane 9.5. i 15.5.2012.,

Sjednica je održana 9.5.2012., s početkom u 9 sati.

PRISUTNI ČLANOVI NEZAVISNE KOMISIJE: Mile Lasić, Semiha Borovac i Damir Čačković.

Članovi Nezavisne komisije Predrag Crnogorac i Milana Škipina opravdano su bili odsutni, a zbog bolesti opravdano je bila odsutna i privremeni sekretar Nezavisne komisije Eldina Smailagić. Zapisnik je vodila prva zamjenica predsjednika Nezavisne komisije Semiha Borovac.

Sjednicu je otvorio i njome predsjedavao predsjednik Nezavisne komisije Mile Lasić.

Za sjednicu je predložen sljedeći

DNEVNI RED

1. Usvajanje Zapisnika 21. sjednice Nezavisne komisije;
2. Usvajanje Zapisnika o posjeti KPZ-u Trebinje;
3. Usvajanje Izvještaja o posjeti KPZ-u Trebinje;
4. Analiza izvještaja Pritvorske jedinice na državnom nivou u vezi s preduzetim aktivnostima u odnosu na jednog pritvorenika (izvjestilac Semiha Borovac);
5. Tekuća pitanja.

Dnevni red usvojen je jednoglasno, bez dodatnih prijedloga i sugestija.

Ad.1. Usvajanje Zapisnika 21. sjednice Nezavisne komisije

Zapisnik 21. sjednice Nezavisne komisije usvojen je jednoglasno, bez primjedbi.

O tačkama ad.2., ad.3. i ad.4. usvojenog dnevnog reda nije raspravljano.

Ad.5. Tekuća pitanja:

Na prijedlog predsjednika Nezavisne komisije, predložene su dvije tačke:

- a) Određivanje predstavnika za sjednicu Predstavničkog doma Parlamentarne skupštine BiH povodom razmatranja Izveštaja o radu;
- b) Određivanje predstavnika u Radnu grupu za izradu prijedloga Zakona o uspostavljanju nacionalno preventivnog mehanizma u BiH.

Ad 5.a. Kako je sjednica Predstavničkog doma zakazana za 10.5.2012., a na čijem je dnevnom redu pod tačkom 14. Izvještaj o radu Nezavisne komisije, bilo je neophodno osigurati prisustvo predstavnika Komisije.

Zaključak: Za prisustvo sjednici određuje se Mile Lasić, predsjednik Komisije.

Ad.5.b. Za predstavnika u Radnu grupu za izradu Prijedloga zakona o uspostavljanju nacionalnog preventivnog mehanizma u BiH određena je Semiha Borovac, prva zamjenica predsjednika, i zamjenik predstavnika Predrag Crnogorac, drugi zamjenik predsjednika Komisije, o čemu će Ministarstvo za ljudska prava i izbjeglice BiH biti pismeno obavješteno.

Predsjednik Nezavisne komisije Mile Lasić prekinuo je sjednicu u 14,30 sati, a nastavak je zakazan za 15.5.2012., s početkom u 10 sati.

Dana 15.5.2012. s početkom u 10 sati održan je nastavak 22. sjednice Nezavisne komisije.

PRISUTNI ČLANOVI NEZAVISNE KOMISIJE: Mile Lasić, Semiha Borovac , Predrag Crnogorac, Milana Škipina i Damir Čačković.

OSTALI PRISUTNI: Privremeni sekretar Nezavisne komisije Eldina Smailagić.

Nastavak sjednice otvorio je i njome predsjedavao predsjednik Nezavisne komisije Mile Lasić. Predsjednik Nezavisne komisije Mile Lasić upoznao je prisutne da Ministarstvo za ljudska prava i izbjeglice BiH provodi aktivnosti za imenovanje članova Radne grupe za pripremu zakonskog rješenja, kojim će biti regulirano pitanje uspostavljanja jednog ili više nacionalnih preventivnih mehanizama u BiH te da, kao i ranije, Nezavisna komisija nije konsultirana o navedenim aktivnostima.

Predsjednik Nezavisne komisije Mile Lasić izvijestio je ostale članove da je prisustovavo 27. sjednici Predstavničkog doma ali da je, na prijedlog poslanice Dušanke Majkić, raspravu o Izvještaju o radu Nezavisne komisije Predstavnički dom odgodio dok se ne dostavi Izdvojeno mišljenje drugog zamjenika predsjednika Nezavisne komisije Predraga Crnogorca i člana Nezavisne komisije Milane Škipine na preporuku 1. Izvještaja o radu povodom predstave zatvorenika 05/6-50-17-873/11, od 18.8.2011., iz KPZ-a Foča.

U vezi s navedenim izlaganjima, Nezavisna komisija jednoglasno je donijela sljedeći

ZAKLJUČAK

Pozivom na dopis predsjedavajućeg Predstavničkog doma, broj 01/a-50-1-15-27/12, od 11.5.2012., dostaviti traženo Izdvojeno mišljenje.

Izdvojeno mišljenje dostaviti u zatvorenoj kovrti na ruke predsjedavajućeg Predstavničkog doma Milorada Živkovića.

Zatim je predsjednik Nezavisne komisije dao riječ svom drugom zamjeniku Predragu Crnogorcu.

Drugi zamjenik predsjednika Nezavisne komisije Predrag Crnogorc istakao je da je u ime Nezavisne komisije bio prisutan 12. sjednici Zajedničke komisije za ljudska prava, prava djeteta, mlade, imigraciju, izbjeglice, azil i etiku koja je dala pozitivno mišljenje na Izvještaj o radu Nezavisne komisije, ali da su pojedini članovi navedene komisije imali niz primjedbi kao što je ta da je Nezavisna komisija malo radila u protekloj godini, da je posjetila svega pet zatvora i da nije izvršena posjeta najvećem zatvoru u BiH (Zenica). U vezi s navedenim primjedbama, drugi zamjenik predsjednika Nezavisne komisije Predrag Crnogorac upoznao je članove Zajedničke komisije za ljudska prava, prava djeteta, mlade, imigraciju, izbjeglice, azil i etiku o finansijskim i organizacionim problemima koji prate rad Nezavisne komisije od samog njenog konstituiranja.

U vezi s navedenim izlaganjima, Nezavisna komisija jednoglasno je donijela sljedeći

ZAKLJUČAK

Nezavisna komisija primila je k znanju Zaključak Zajedničke komisije za ljudska prava, prava djeteta, mlade, imigraciju, izbjeglice, azil i etiku broj: 03/6-50-1-12-11 /12, od 20.04.2012., i s obzirom da je osiguran trajni nalog za putovanja u BiH na osnovu Odluke Zajedničkog kolegija oba doma Parlamentarne skupštine BiH, broj: 01,02-16-4-33712, od 4.4.2012., Nezavisna komisija će u narednom periodu nastaviti s detaljnim i planiranim posjetama zatvorima u BiH u kojima će prioritet biti KPZ-i većeg kapaciteta.

Predsjednik Nezavisne komisije Mile Lasić predložio je prisutnim članovima da krenu s radom po preostale tri tačke dnevnog reda koje su predložene za 22. sjednicu Nezavisne komisije, i to:

1. Usvajanje Zapisnika o posjeti KPZ-u Trebinje;
2. Usvajanje Izvještaja o posjeti KPZ-u Trebinje;
3. Analiza izvještaja Pritvorske jedinice na državnom nivou u vezi s preduzetim aktivnostima u odnosu na jednog pritvorenika (izvjestilac Semiha Borovac);

Ad. 2. Usvajanje Zapisnika o posjeti KPZ-u Trebinje

Zapisnik o posjeti KPZ-u Trebinje pripremila je prva zamjenica predsjednika Nezavisne komisije Semiha Borovac.

Nakon detaljnog razmatranja, Nezavisna komisija jednoglasno je usvojila Zapisnik o posjeti KPZ-u Trebinje, od 12.4.2012.

Ad.3. Usvajanje Izvještaja o posjeti KPZ-u Trebinje

Izvještaja o posjeti KPZ-u Trebinje pripremila je prva zamjenica predsjednika Nezavisne komisije Semiha Borovac.

Nakon detaljnog razmatranja, Nezavisna komisija jednoglasno je usvojila Izvještaj o posjeti KPZ-u Trebinje.

Ad.3. Analiza izvještaja Pritvorske jedinice na državnom nivou u vezi s preduzetim aktivnostima u odnosu na jednog pritvorenika (izvjestilac Semiha Borovac)

Razmatranje ove tačke dnevnog reda odgođeno je za neku od narednih sjednica Nezavisne komisije.

Nakon što su realizirane sve tačke usvojenog dnevnog reda, članovi Nezavisne komisije konstatirali su da je, u skladu s članom 48. stav (9) Zakona BiH o izvršenju krivičnih sankcija, pritvora i drugih mjera - prečišćeni tekst ("Službeni glasnik BiH", broj 12/10) i članom 2. stav (6) Poslovnika o radu, potrebno Ministarstvu pravde BiH dostaviti Izvještaj o radu za period od 14.9.2010. do 31.12. 2011.

Predsjednik Nezavisne komisije Mile Lasić zaključio je sjednicu u 14,30 sati.

PRIVREMENI SEKRETAR

NEZAVISNE KOMISIJE

Eldina Smailagić

PREDSJEDNIK

NEZAVISNE KOMISIJE

dr. sc. Mile Lasić